

鋼料上。此鋼料乃由上而下。羅克閉目待死。而鋼料已落地矣。是時女郎偕乃兄來覓羅克。謂羅克曰。吾兄來此爲吾輩之婚姻事也。羅克如夢初醒。愁雲四散矣。

## 捉賭

羅克主演

諺云。富者富千金。窮無四兩鐵。誠哉斯言也。某繁華埠之一隅。有富翁某。開筵享嘉賓。席前舞女百般獻美。而富翁則歡笑忘形。固樂其所也。在該埠之別一隅。有一班受困窮所迫之輩。饑殍難給。甚至積欠租金亦無計籌繳。而催租惡婦頻來。討租急於火星。羅克亦欠租人之一份子也。惟時袋中尙足有付租之款。忽聞鄰婦因欠租而受惡婦虐待之哭聲。羅克乃起憐

惻之心。將已所有之款盡交隣婦。適討租人至。於是無錢獲付。時羅克運用巧計。始脫離惡婦。及後無意中抵一賭窟。斯時羅克幸運至矣。在不知不覺間。得金錢無數。詎料同時有大隊警捕突來捉賭。而此時之羅克則盡其平生智能。以求逃逸。此幕驚人技能非常發噱。

## 故都春夢

阮玲玉主演

朱家傑。故都世家子也。妻王氏薰蘭。美而賢。生二女。長瑩姑。己及笄。次璞姑。猶垂髫。一家之中。融融洩洩。朱家固小康。設塾於鄉。薄田數頃。本不愁溫飽。第以累年災變。漸興仰屋之嗟。會其學友吳昌遠。新膺要職。炙手可熱。王以丈

夫志在功名。胡能老死窗下。因慙愿其往求一官。以裕家計。噫。又豈料家庭卽從此而多事乎。

朱詣吳。三謁而後得見。無何。吳宴朱於其所。妓女紅玉之妝閣。紅有手帕交。曰燕燕。久厭風塵。常懷擇人之念。以紅之介。爲朱風友。朱故跌麗。而氣宇軒昂。不同凡俗。燕心焉慕之。又聞朱叔爲鉅富。不久將承襲遺產。乃益喜。曲結意納。朱竟惑焉。久之。漸露委身意。朱以窘狀告。燕曰。我籌之熟矣。吳某爲紅玉脫籍以獻當局。聞已寵擅專房。我與紅善。苟獲一言。事無不濟者。朱醉心功名。不能拒。燕乃爲言於紅。不及旬。朱果獲長某稅局之職。美人威權。固有如是也。朱旣得官。踐約爲燕營金屋。而返家之時

愈少。王氏初謂官場酬酢。原應爾爾。繼亦疑之。終乃覺其隱。朱迫於良心。不復能祕。王大悲。願以木已成舟。徒爭何益。乃勸朱迎燕返舊居。朱難之。王無已。乃議移此就彼。以便照拂。朱無奈。應之。王乃攜二女。赴新居。成一家焉。

朱驟據要津。服用漸奢。稅務積弊所在。朱內無以應燕燕之婪索。外無以拒幕友之誘惑。於是同流合污。亦爲墨吏。又以引進之力端賴燕燕。事事優容。惟恐拂意。而燕燕氣焰亦日甚。幸王能強自隱忍。故尙相安。第瑩姑以及瓜之年。當未定之性。日濡染於燕燕之側。遂相與徵逐於繁華之場。王每誠不之聽也。

有毛子厚者。爲燕燕昔日搗母之子。絮中秀外。遊手好閒。而燕燕暱之。常以纏頭

供揮霍。及歸朱。猶以戚誼相往還。一日。毛來燕所。涎瑩之豔。百計獻媚。燕爲媚毛計。常邀瑩與同遊。一夕。深夜未返。王懼愛女之墮落。惴惴勿能成寐。及朱歸。因微諷之。朱悵觸舊情。頗覺慚對故劍。乃刻意慰王。無何燕歸。見而大妒。而王又於責瑩之際。語侵及燕。燕本邀功恃寵。目無餘子。怒而反唇相稽。一發而莫可遏。而朱遽然不能爲左右袒也。燕勢愈張。以下堂相要挾。朱難兩全。莫知爲計。王喟然曰。此處本非我久安之地。不可。以我而誤君前程。我當挈二女返居舊家耳。朱戀利祿。又惑於燕之色。竟忍心聽王行。顧瑩姑虛榮心熾。不肯從。王知強亦無益。遂於次晨含淚攜瑩姑去。時正風雪滿城。行人絕跡之際也。

王既去。燕益肆無忌憚。繼且爲與毛永聚及繼承產業計。言於朱。使瑩婚毛。而贅毛於家。朱奉命唯謹。已失其主宰。瑩則惑於甘言。竟亦首肯。事既洽。燕躊躇滿志。其得意可知。然而霹靂一聲。當局忽以政變被刺。朱之靠山倒。舞弊之案盡揭。初猶監視。繼乃查抄。當朱鐵窗受苦之日。正燕與毛席捲借逃之時也。瑩本弱質。遽遭巨變。一慟幾絕。乃輾轉返鄉就王。臥病故居。未幾。政局復定。朱得獲赦。惘惘出獄。遽返新居。則塵封蒿長。已鳳去樓空。復奔返鄉家。始悉原委。乃向王伏地求恕。王略無怨言。謂爲濁世環境不良之累。今能及早回頭。已邀天寵矣。大地春回。故園無恙。瑩病亦痊。舉家遂

獻聚如初。惟整偶手觸殘紅。頓興落花無主之感。及朱王覺之。亦不知涕泗之何從也。

## 銀幕豔史

宣景琳主演

上海自開埠以來。梯航薈萃。工商勃興。行其道路。則轂擊肩摩。瞻其屋宇。則鱗次櫛比。各地之人。雲集於此。而電影事業。亦應運而起。有某大公司者。夏屋渠渠。明星濟濟。所攝之片。風行全球。尤爲此中首翹一指也。

隴靈匿采。電炬齊明。酒地花天。金迷紙醉。誠銷金之豔窟。而安樂之行窩也。名妓王鳳珍。應狎客之召。珊珊來遲。客怒飛一掌擊之。鳳珍大感。珠淚洩瀾。奪

眶而出。客或嘲之曰。卿善哭。曷不獻身銀幕。當爲東方之麗琳甘熙也。鳳珍然之。乃倩某副導演介紹入電影界。初入劇場。見所未見。種種笑柄。引人捧腹。已而導演宣講劇情。劇中人之身世。乃與己身酷肖。感緒與悲。放聲大慟。衆咸笑之。

而導演則深許其有感情之作用。是時攝影場中。正在紛紛表演。導演令鳳珍飾一鴉鬟。鳳珍忸怩不肯。後經導演多方解釋。且謂美國諸明星。皆從配角歷練而來。鳳珍聆之。果大欽動。自是導演有命。無不踴躍樂從。是日先飾鴉鬟。瞥見主人月下接吻。忍俊不禁。嫣然一笑。次飾一女僕。又飾一女盜。神情態度。各到好處。已而另一攝影場。飾模特兒者忽然暈絕。導演命鳳珍庖代。鳳珍亦從命無難色。最後